



Sarajevo, 16.10.2024.godine

**KOLEGIJU PREDSTAVNIČKOG DOMA
PARLAMENTARNE SKUPŠTINE BiH**

16-10-2024
01-50-1-1969/24

n/r članova Kolegija

Na osnovu člana 8. Poslovnika Predstavničkog doma Parlamentarne skupštine BiH ("Službeni glasnik BiH", br.: 79/14, 81/15 i 97/15, 78/19, 26/20, 53/22, 59/23 i 87/23), podnosim poslaničku

INICIJATIVU

kojom Predstavnički dom Parlamentarne skupštine BiH, u skladu sa članom 35. Zakona o Vijeću ministara Bosne i Hercegovine ("Službeni glasnik BiH", br.: 38/02, 30/03, 42/03, 81/06, 76/07, 81/07, 94/07 i 24/07) zadužuje Vijeće ministara Bosne i Hercegovine da u roku od tri mjeseca u parlamentarnu proceduru dostavi zakonsko rješenje kojim se oslobađaju poreza na dodanu vrijednost lijekovi koji se doniraju.

Obrazloženje:

U odgovoru na poslaničko pitanje Uprava za indirektno oporezivanje BiH odgovorila je da u načelu podržava inicijativu za ukidanje PDV-a na donirane lijekove, naročito imajući u vidu kategoriju potencijalnih korisnika istih (socijalno ugrožena lica i druge). U istom odgovoru navedene su i preporuke i koraci koje je potrebno poduzeti kako bi izmijenjeno zakonsko rješenje bilo u najboljem interesu korisnika doniranih lijekova. UIO također smatra da bi trebalo urediti oblast doniranja lijekova i utvrditi jasna pravila iz domena sigurnosti istih, te tačno definisati pojam „donirani lijekovi“, pri čemu isti ne bi obuhvatao suplemente i sl. Također, mišljenje UIO je da treba definisati ko može donirati lijekove i ko može biti primalac doniranih lijekova.

Ovu inicijativa vjerujem da ima podršku i Zavoda zdravstvenog osiguranja i reosiguranja Federacije BiH, Fonda zdravstvenog osiguranja Republike Srpske i Fonda zdravstvenog osiguranja Brčko Distrikta, budući da su u novembru 2023. godine uputili zajedničku inicijativu Vijeću ministara, vladama oba entiteta i ministarstvima zdravstva za ukidanje ili povrat PDV-a na lijekove i medicinska sredstva.

Napominjem da je Bosna i Hercegovina jedina zemlja u okruženju koja ima samo jednu stopu PDV-a koja se primjenjuje na sve proizvode, uključujući i lijekove. Ta stopa je najveća u regionu. U Hrvatskoj i Sjevernoj Makedoniji PDV na lijekove iznosi 5%, u Sloveniji 9,5%, u Srbiji 10%...

U slučaju doniranih lijekova i velikog poreza koji donator treba platiti, nerijetko se dešava da zbog toga lijekovi završe u drugoj državi gdje ne postoji obaveza plaćanja poreza na donaciju. U tom slučaju najviše trpe pacijenti i to nerijetko oni sa najtežim dijagnozama.

Uzimajući kao prioritet u odlučivanju korist za živote i zdravlje građana, a imajući u vidu načelnu saglasnost u institucijama o ukidanju PDV-a na donirane lijekove, te uvažavajući argumentaciju da tome trebaju prethoditi koraci kojima će se definisati detalji ovog procesa, smatram da će usvanjem ove inicijative Predstavnički dom Parlamentarne skupštine Bosne i Hercegovine dati značajan doprinos.

Poslanik SDP BiH
Saša Magazinović

